



О'ZBEKISTON RESPUBLIKASI VAZIRLAR MAHKAMASINING QARORI

2020 yil « 22 » июнь

№ 397

Toshkent sh.

Пахта-тўқимачилик ишлаб чиқаришини янада ривожлантириш чора-тадбирлари тўғрисида

Сўнгги йилларда қишлоқ хўжалиги ишлаб чиқаришини модернизациялаш ва диверсификация қилиш, маҳсулотни қайта ишлаш саноатини ривожлантириш борасида олиб борилган изчил ислоҳотлар натижасида аграр соҳада фаолият юритишнинг янги тизими – кластер усули жорий этилди.

Қисқа давр мобайнида кластер усулида фаолият юритиш ўзининг ижобий томонларини кўрсатди ва қишлоқ хўжалиги ишлаб чиқаришига ресурсларни тежайдиган техника ва технологияларни жорий этиш, қишлоқ жойларга саноатни олиб кириш ва янги иш ўринларини яратиш, юкори қўшилган қийматга эга тайёр маҳсулот ишлаб чиқариш, инфратузилмани ривожлантириш борасида салмоқли ишлар амалга оширилди.

Шу билан бирга, пахта-тўқимачилик кластерлари фаолиятини мувофиқлаштириш, уларнинг фаолиятида юзага келаётган тизимли муаммоларни бартараф этиш ва манфаатларини давлат бошқарув органларида ҳимоя қилиш борасида самарали механизмлар яратилмаган.

Пахта-тўқимачилик кластерлари фаолияти самарадорлигини янада ошириш, пахта хомашёсини чукур қайта ишлаш қувватларини кўпайтириш, ушбу жараёнга илмий асосланган усуллар ва интенсив технологияларни кенг жорий этиш, шунингдек, пахта-тўқимачилик кластерлари фаолиятида юзага келаётган муаммоларни ўз вақтида бартараф этиш, уларнинг манфаатларини давлат ҳокимияти бошқарув органларида ҳимоя қилиш тизимини йўлга кўйиш мақсадида Вазирлар Маҳкамаси **қарор қиласди**:

1. Ўзбекистон Республикаси Қишлоқ хўжалиги вазирлиги, Иқтисодий тараққиёт ва камбағалликни қисқартириш вазирлиги, Давлат активларини бошқариш агентлиги, “Ўзтўқимачиликсаноат” уюшмаси, Қорақалпоғистон Республикаси Вазирлар Кенгаси ва вилоятлар ҳокимлклари ҳамда пахта-тўқимачилик кластерлари ташкилотчilarининг:

“Ўзбекистон пахта-тўқимачилик кластерлари” уюшмасини (кейинги ўринларда – Уюшма) ташкил этиш;

Уюшма тузилмасида тизимли муаммоларни бартараф этиш, маркетинг инновацияларини фаол жорий этиш бўйича таклифлар ишлаб чиқиш, шунингдек, замонавий тенденцияларни ҳисобга олган ҳолда тармоқни ривожлантиришнинг истиқболли ва устувор йўналишларини аниқлашни таъминловчи маслаҳат органи – Пахта-тўқимачилик кластерлари кенгашини ташкил этиш тўғрисидаги таклифлари маъқуллансин.

2. Куйидагилар Уюшманинг асосий вазифалари ва фаолияти йўналишлари этиб белгилансин:

пахта-тўқимачилик кластерлари фаолиятини ҳамда улар томонидан лойиҳаларнинг амалга оширилишини мувофиқлаштириш, уларнинг хуқуqlари ва манфаатларини ҳимоя қилиш, давлат органлари ва ташкилотлари ҳамда хўжалик бирлашмалари билан ўзаро самарали ҳамкорликни ташкил этиш;

пахта-тўқимачилик кластерларини худудларнинг салоҳияти янада ривожланиши истиқболларидан, хомашё базаси, мавжуд инфратузилма, меҳнат ресурслари ва бозор конъюнктурасидан келиб чиқсан ҳолда жойлаштиришга кўмаклашиш;

пахта хомашёсини етиштириш жараёнига илгор агротехнологиялар ҳамда ресурсларни тежайдиган техника ва технологияларни жорий этиш, шунингдек, пахта-тўқимачилик кластерлари билан фермер хўжаликлари ўртасидаги муносабатларни тартибга солишининг шаффоф механизмини яратиш;

юқори қўшилган қийматга эга тайёр маҳсулот ишлаб чиқариш ва экспорт қилиш, пахта-тўқимачилик кластерлари фаолиятини кенгайтириш ҳамда мазкур жараёнларга рақамли технологияларни кенг жорий этиш бўйича комплекс тадбирларни амалга ошириш;

пахта-тўқимачилик кластерлари фаолиятини ривожлантириш учун унификацияланган имтиёз ва преференциялар қўллаш бўйича таклифлар ишлаб чиқиш;

ички ва ташқи бозорда маркетинг тадқиқотларини ташкил қилиш, тармоқни ривожлантиришнинг ўрта ва узоқ муддатли дастурларини ишлаб чиқиш ҳамда амалга оширишда иштирок этиш, шунингдек, тармоқقا бозор механизмларини кенг жорий қилиш;

пахта-тўқимачилик ишлаб чиқаришини модернизациялаш, техник қайта жиҳозлаш, юқори унумли инновацион технологияларни жорий этишда инвестицияларни, шу жумладан тўғридан-тўғри хорижий инвестицияларни кенг жалб этишда пахта-тўқимачилик кластерларига кўмаклашиш;

пахта-тўқимачилик ишлаб чиқаришини жадал ривожлантириш ва барқарор фаолият юритишига тўсик бўлаётган тизимли муаммоларни аниқлаш ва бартараф этиш, шунингдек, соҳага оид қонун ҳужжатларини янада такомиллаштириш бўйича таклифлар тайёрлаш.

3. Куйидагилар маълумот учун қабул қилинсин:

пахта-тўқимачилик кластерлари Уюшма аъзолари ҳисобланади;

Уюшма ижро аппарати тузилмасини тасдиқлаш унинг муассислари умумий йиғилиши қарори билан амалга оширилади;

Уюшма раиси ва унинг ўринбосарлари муассисларнинг умумий йиғилиши қарори билан сайланади;

Уюшма фаолиятини жорий таъминлаш ва молиялаштириш аъзолик бадаллари ҳамда қонун ҳужжатларида тақиқланмаган бошқа манбалар ҳисобига амалга оширилади.

4. Ўзбекистон Республикаси Қишлоқ хўжалиги вазирлиги, Иқтисодий тараққиёт ва камбағалликни қисқартириш вазирлиги, “Ўзтўқимачиликсаноат” уюшмасининг қишлоқ хўжалигига мўлжалланган ерлардан самарали фойдаланиш, пахта-тўқимачилик кластерлари ва фермер хўжаликлари ўртасида ўзаро муносабатларни такомиллаштириш мақсадида пахта-тўқимачилик кластерлари фаолиятини баҳолаш тизимини жорий этиш тўғрисидаги таклифи маъқуллансин.

Белгилансинки, пахта-тўқимачилик кластерлари фаолияти идоралараро комиссия ҳамда худудий ишчи гурухлар томонидан баҳоланади.

5. Куйидагилар:

Пахта-тўқимачилик кластерлари фаолиятини баҳолаш тартиби тўғрисидаги низом 1-иловага мувофиқ;

Пахта-тўқимачилик кластерлари фаолиятини баҳолаш бўйича идоралараро комиссия таркиби 2-иловага мувофиқ;

Пахта-тўқимачилик кластерлари фаолиятини баҳолаш бўйича худудий ишчи гурухнинг намунавий таркиби 3-иловага мувофиқ тасдиқлансин.

6. Ўзбекистон Республикаси Адлия вазирлиги Қишлоқ хўжалиги вазирлиги, “Ўзтўқимачиликсаноат” уюшмаси, Бандлик ва меҳнат муносабатлари вазирлиги билан биргаликда:

бир ой муддатда “Ўзбекистон пахта-тўқимачилик кластерлари” уюшмасининг белгиланган тартибда ташкил этилишига;

икки ой муддатда “Ўзбекистон пахта-тўқимачилик кластерлари” уюшмаси уставининг тасдиқланиши ва давлат рўйхатидан ўтказилишига;

“Ўзбекистон пахта-тўқимачилик кластерлари” уюшмаси ижро этувчи аппарати тасдиқланган тузилмага ва штатлар жадвалига мувофиқ пухта танлов асосида юқори малакали мутахассислар билан тўлдирилишига кўмаклашсинлар.

7. Уюшма Қорақалпоғистон Республикаси Вазирлар Кенгаши ва вилоятлар ҳокимларни Ўзбекистон Республикаси Қишлоқ хўжалиги вазирлиги, Иқтисодий тараққиёт ва камбағалликни қисқартириш вазирлиги, “Ўзтўқимачиликсаноат” уюшмаси билан биргаликда икки ой муддатда 2020–2021 йилларда пахта тозалаш заводларини модернизация қилиш ва янги қувватларни ишга тушириш, ип-йигириув, матони тўқиши ва бўяш, тикувчилик маҳсулотларини ишлаб чиқариш, чигитни қайта ишлаш, тайёр маҳсулотлар

ишлаб чиқариш, агрологистика ва чорвачилик комплексларини ташкил этиш, сувни тежайдиган технологияларни жорий этиш, қишлоқ хўжалиги техникаларини харид қилиш бўйича ҳар бир пахта-тўқимачилик кластерлари бўйича “йўл харитаси”ни ишлаб чиқсинлар ва тасдиқласинлар.

8. Ўзбекистон Республикаси Қишлоқ хўжалиги вазирлиги, “Ўзтўқимачиликсаноат” уюшмаси ҳамда Қорақалпоғистон Республикаси Вазирлар Кенгаши ва вилоятлар ҳокимликларининг худудларда фаолият юритаётган пахта-тўқимачилик кластерлари ҳузурида юридик шахс мақомига эга бўлмаган Инновацияларни, илм-фан ютуқлари ва янгиликларини жорий этиш бўйича илмий марказлар (кейинги ўринларда – Илмий марказлар)ни босқичма-босқич ташкил этиш тўғрисидаги таклифи маъқуллансин.

9. Белгилаб қўйилсинки, Илмий марказларнинг фаолияти пахта-тўқимачилик кластерлари қошида олий таълим ва илмий муассасалар билан ҳамкорлик асосида пахтачиликдаги долзарб муаммоларнинг илмий ечимига қаратилган тадқиқот ва тажриба-конструктурлик ишларини йўлга қўйиш, илм-фан янгиликлари ва ресурсларни тежайдиган инновацион технологияларни жорий этиш орқали ерлардан самарали фойдаланиш ва маҳсулот ишлаб чиқаришни кўпайтиришга йўналтирилади.

10. Куйидагилар Илмий марказларнинг асосий вазифалари этиб белгилансин:

қишлоқ хўжалигига мўлжалланган ерларнинг мелиоратив ҳолатини яхшилаш, тупроқ унумдорлигини сақлаш ва ошириш, сувни тежайдиган технологияларни ва мақбул алмашлаб экиш тизимини жорий қилиш;

ғўзани янги турдаги минерал ва органик ўғитлар билан замонавий агротехнологияларни қўллаган ҳолда озиқлантириш, пахта етиштирувчиларга ғўзани касалликлар, зааркунанда ҳашоратлардан ҳимоя қилишининг биологик ва экологик жиҳатдан хавфсиз уйғунлашган кураш усулларидан фойдаланиш бўйича маслаҳат ва тавсиялар бериш ҳамда хизмат кўрсатиш;

Organic ва Global G.A.P. халқаро стандартлари талабларига мувофиқ пахта хомашёсини етиштириш ҳамда тайёр маҳсулот экспорти географиясини кенгайтириш бўйича чораларни кўриш;

пахта-тўқимачилик кластерлари фаолиятини ривожлантиришнинг яқин ва узоқ муддатларга мўлжалланган истиқболли дастурларини ишлаб чиқиши ҳамда амалга ошириш;

соҳада рақамили технологияларни кенг татбиқ этиш, пахта хомашёсини етиштиришда қўл кучини камайтириш, агротехник тадбирларни механизациялаштириш даражасини ошириш, маҳаллий ва хорижий давлатларнинг олий таълим ва илмий муассасалари билан ҳамкорлик алоқаларини йўлга қўйиш, давлат илмий-техник дастурлари доирасида эълон қилинган грант лойиҳалари танловларида иштирок этиш;

Ғўзанинг янги серҳосил, эрта пишар нав ва дурагайларини синаш ҳамда танлаш, уларнинг уруғчилигини кенг йўлга қўйиш бўйича илмий-тадқиқотларни амалга оширишда иштирок этиш;

фермер хўжаликлари раҳбарлари ва агрокластерларнинг мутахассислари учун илмий асосланган замонавий агротехнологияларни кенг татбиқ этиш бўйича кўргазмали семинар-тренинглар ташкил этиш.

11. Қуйидагилар:

Инновацияларни, илм-фан ютуқлари ва янгиликларини жорий этиш бўйича илмий марказларни ташкил этадиган пахта-тўқимачилик кластерлари рўйхати 4-иловага мувофиқ;

Инновацияларни, илм-фан ютуқлари ва янгиликларини жорий этиш бўйича илмий марказларнинг намунавий тузилмаси 5-иловага мувофиқ тасдиқлансан.

Бунда, рўйхатга киритилмаган пахта-тўқимачилик кластерларида 2023 йилга қадар босқичма-босқич Илмий марказлар ташкил этилади.

12. Илмий марказлар ташкил этадиган пахта-тўқимачилик кластерлари “Ўзтўқимачиликсаноат” уюшмаси, Ўзбекистон Республикаси Фанлар академияси, Қишлоқ хўжалиги вазирлиги ҳамда маҳаллий ҳокимликлар билан биргаликда иккى ой муддатда Илмий марказларнинг вазифалари доирасида ишларни амалга ошириш учун замонавий жиҳозланган ўқув-лаборатория хоналарини ташкил этиш, ахборот-коммуникация технологиялари билан жиҳозлаш бўйича ташкилий чора-тадбирларни амалга оширсин.

13. Белгилансинки:

Илмий марказларнинг бино ва иншоотларини сақлаш, шунингдек, ходимлар меҳнатига ҳақ тўлаш харажатларини молиялаштириш, таркибида Илмий марказлар ташкил қилинган пахта-тўқимачилик кластерларининг ўз маблағлари ҳисобига амалга оширилади;

пахта-тўқимачилик кластерлари ҳузурида ташкил этилган Илмий марказларга илмий муассасалар фаолиятига оид қонун ҳужжатларида назарда тутилган имтиёз ва преференциялар татбиқ этилади.

14. Ўзбекистон Республикаси Қишлоқ хўжалиги вазирлиги, Фанлар академияси, Инновацион ривожланиш вазирлиги:

пахта-тўқимачилик кластерларига босқичма-босқич Илмий марказларни ташкил этишга кўмаклашсинглар;

республикадаги тегишли олий таълим ва илмий муассасалар билан Илмий марказлар ўртасида ҳамкорлик ўрнатилишини таъминласинглар.

15. Ўзбекистон Республикаси Инновацион ривожланиш вазирлиги уч ой муддатда Илмий марказлар билан ҳамкорликда фаолият юритадиган олий таълим ва илмий муассасалар томонидан шакллантириладиган мавзулар доирасида 2021 йил учун мақсадли танловлар эълон қилиш ҳамда танлов

натижаси бўйича белгиланган тартибда илмий лойиҳаларни молиялаштириш учун маблағлар ажратиш чораларини кўрсин.

16. Ўзбекистон Республикаси Ташқи ишлар вазирлиги Уюшманинг буюртманомаларига кўра, пахта-тўқимачилик кластерлари томонидан жалб қилинаётган чет эллик мутахассисларга белгиланган тартибда кириш визалари расмийлаштирилиши (муддати узайтирилиши)га кўмаклашсин.

17. Ўзбекистон Республикаси Ички ишлар вазирлиги Уюшманинг буюртманомаларига кўра, пахта-тўқимачилик кластерлари томонидан жалб қилинаётган чет эллик мутахассисларга қўп марталик визалар расмийлаштирилиши ва берилиши (муддати узайтирилиши)ни ҳамда вақтинчалик яшаш жойи бўйича вақтинчалик рўйхатга қўйилиши ва унинг муддати белгиланган тартибда узайтирилишини таъминласин.

18. Уюшма Тошкент шаҳар, Яkkасарой тумани, Шота Руставелли кўчаси, 8-ий манзилидаги “Пахтасаноат илмий маркази” акциядорлик жамиятининг биносига текин фойдаланиш хуқуки асосида жойлаштирилсин.

19. Ўзбекистон Республикаси Ахборот технологиялари ва коммуникацияларини ривожлантириш вазирлиги Уюшмани белгиланган тартибда зарур алоқа воситалари, шу жумладан хукumat алоқа воситалари билан ҳамда юқори тезлиқдаги жаҳон интернет ахборот тармоғига уланишини таъминласин.

20. Ўзбекистон Миллий ахборот агентлиги ва Ўзбекистон Миллий телерадиокомпаниясига Уюшма ва Қишлоқ хўжалиги вазирлиги билан ҳамкорликда пахта-тўқимачилик саноати тармоғида амалга оширилаётган ислоҳотларни оммавий ахборот воситаларида мунтазам равища ёритиб бориш тавсия қилинсин.

21. Ўзбекистон Республикаси Давлат статистика қўмитаси Уюшмани статистик маълумотлар мажбурий тарқатиладиган реестрга киритсин.

22. Ўзбекистон Республикаси Қишлоқ хўжалиги вазирлиги ой муддатда манфаатдор вазирликлар ва идоралар билан биргаликда ўzlари қабул қилган норматив-хуқукий хужжатларни ушбу қарорга мувофиқлаштиурсин.

23. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ў.И. Барноев, Ўзбекистон Республикаси қишлоқ хўжалиги вазири Ж.А. Ходжаев ва “Ўзтўқимачиликсаноат” уюшмаси раиси И.У. Хайдаров зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2020 йил “22” июнданги 397-сон қарорига
1-илова

**Пахта-тўқимачилик кластерлари фаолиятини
баҳолаш тартиби тўғрисидаги
НИЗОМ**

1-боб. Умумий қоидалар

1. Ушбу Низом пахта-тўқимачилик кластерлари (кейинги ўринларда – кластерлар) фаолиятини баҳолаш тартибини белгилайди.

2. Ушбу Низомда қуидаги тушунчалардан фойдаланилади:

пахта-тўқимачилик кластери – бир ёки бир нечта мустақил юридик шахслар томонидан ишлаб чиқаришнинг замонавий технологияларидан фойдаланган ҳолда пахта хомашёсини етишириш ёки шартнома асосида сотиб олишдан уни дастлабки қайта ишлаш, ип-калава, мато тўқиши, бўяш ва тикиш, иккиласми маҳсулотларни (*чиғит, линт ва бошқалар*) қайта ишлаш, юқори қўшилган қийматга эга маҳсулотларни ишлаб чиқаришгacha бўлган жараённи ўз ичига олган ҳамда ягона технологик занжирда бир нечта корхона ва ташкилотларни бирлаштирган ҳолда янги хўжалик юритиш тизимини шакллантириш усули;

пахта-тўқимачилик кластери иштирокчилари – ўзаро келишув асосида маҳаллий давлат ҳокимияти органи билан кластер мақомини олиш тўғрисида битим тузган юридик шахслар;

пахта-тўқимачилик кластери инфратузилмаси – пахта хомашёсини етишириш ёки шартнома асосида сотиб олиш, уни дастлабки қайта ишлаш, ип-калава, мато тўқиши, бўяш ва тикиш, иккиласми маҳсулотларни қайта ишлаш, юқори қўшилган қийматга эга маҳсулотларни ишлаб чиқариш, сақлаш ва ташиш учун зарур бўлган бинолар, иншоотлар ва бошқа объектлар йигиндиси;

пахта-тўқимачилик кластерлари фаолиятини баҳолаш мезонлари – пахта-тўқимачилик кластерлари фаолияти самарадорлиги ва натижадорлигини баҳолаш учун зарур бўлган талаблар.

**2-боб. Пахта-тўқимачилик кластерлари фаолиятини
баҳолаш йўналишлари ва мезонлари**

3. Пахта-тўқимачилик кластерлари фаолияти қуидаги йўналишлар бўйича баҳоланади:

пахта хомашёсини етиширишдан бошлаб уни тайёр маҳсулот сифатида сотишигача бўлган ишлаб чиқаришнинг узлуксиз занжирини ташкил этиш даражаси;

ер ва сув ресурсларидан самарали фойдаланиш, янги ва замонавий техника ва технологияларни қўллаш даражаси;

фермер хўжаликларининг манфаатдорлигини таъминланганлик даражаси;

пахта-тұқымачилик кластерлари фаолияти самарадорлиги билан боғлиқ бошқа масалалар.

4. Пахта-тұқымачилик кластерлари фаолиятини баҳолашда күйидаги мезонларга эътибор қаратылады:

а) пахта хомашёсини етишишидан бошлаб уни тайёр маҳсулот сифатида сотишгача бўлган ишлаб чиқарышнинг узлуксиз занжирини ташкил этиши йўналишида:

пахта хомашёсини қабул қилиш, сақлаш ва қайта ишлаш қувватларининг мавжудлиги;

замонавий ишлаб чиқариш қувватлари жорий этилганлиги;

пахта хомашёсини қайта ишлашнинг узлуксиз занжири ташкил этилганлиги;

ишлаб чиқариладиган маҳсулот турларининг мавжудлиги;

янги иш ўринлари яратилганлиги;

экспорт кўрсаткичининг юқорилиги;

маҳсулотларнинг сифатини назорат қилиш учун синов лабораториялари ташкил этилганлиги;

сифат тизимларини жорий этилганлиги;

маҳсулотлар сертификатлаштирилганлиги;

пахта-тұқымачилик кластерлари томонидан тўғридан-тўғри инвестицияларни ўзлаштирилиши;

келгуси йилда амалга оширилиши режалаштирилган инвестиция лойиҳаларининг қиймати;

пахта-тұқымачилик кластери томонидан янги чорвачилик комплекси ташкил этилганлиги;

б) ер ва сув ресурсларидан самарали фойдаланиши, янги ва замонавий техника ва технологияларни қўллаштирилганлиши:

кластер фаолияти даврида ғўза қатор ораларига ишлов берувчи қишлоқ хўжалиги техникалари билан таъминланганлиги;

юқори унумли қишлоқ хўжалиги техникалари билан таъминланганлиги;

томчилатиб, ёмғирлатиб ва бошқа илғор сувни тежайдиган сугориш технологиялари жорий этилганлиги;

экин ерлари лазерли текислагичлар билан текисланганлиги;

қишлоқ хўжалигига фойдаланишдан чиқиб кетган сугориладиган ерлар қайта фойдаланишга киритганлиги;

ирригация ва мелиорация объектларининг ҳолати яхшиланганлиги;

тупроқ унумдорлигини ошириш бўйича чоралар кўрилганлиги;

ахборот-коммуникация технологиялари жорий этилганлиги;

илмий ишланмалар ишлаб чиқаришга татбиқ этилганлиги;

в) фермер хўжаликларининг манфаатдорлигини таъминлаши йўналишида:

етказиб берилган пахта хомашёси учун фермер хўжаликлари билан якуний ҳисоб-китоблар ўз вақтида амалга оширилганлиги;

фермер хўжаликларига юқори қўшилган қийматга эга бўлган маҳсулот ҳисобидан қўшимча ҳақ тўланганлиги;

шартномада белгиланган ҳажмлардан ортиқча пахта хомашёсини топширган фермер хўжалигига рағбатлантириш чоралари кўрилганлиги;

г) пахта-тўқимачилик кластерлари фаолияти самарадорлиги билан боғлиқ бошқа масалалар йўналишида:

пахта хомашёсини етиштириш харажатларини молиялаштириш манбалари мавжудлиги;

суғурта тизимининг йўлга қўйилганлиги;

тижорат банкларидан олинган кредитларни қайтарилиши;

солик, бошқа мажбурий тўловлар ва иш ҳақидан қарздорлиги.

3-боб. Пахта-тўқимачилик кластерлари фаолиятини баҳолаш тартиби

5. Пахта-тўқимачилик кластерлари фаолиятини баҳолаш:

пахта-тўқимачилик кластерлари фаолиятини баҳолаш бўйича идораларо комиссия (кейинги ўринларда – Комиссия) ва худудий ишчи гурухлар (кейинги ўринларда – Ишчи гурух) томонидан ҳар йили 25 декабрга қадар амалга оширилади;

пахта-тўқимачилик кластерлари томонидан тақдим этилган маълумотлар, шунингдек, заруратга кўра, жойига чиққан ҳолда аниқланадиган ҳолатлар орқали амалга оширилади.

6. Пахта-тўқимачилик кластерлари фаолиятини баҳолаш ушбу Низомга 1-иловага мувофиқ схемага асосан ташкил этилади.

7. Ҳар йили 15 ноябрга қадар Қорақалпоғистон Республикаси Вазирлар Кенгashi ва вилоятлар ҳокимларни томонидан мазкур қарор билан тасдиқланган намунавий таркибга мувофиқ Ишчи гурухи ташкил этилади.

8. Қўйидагилар Ишчи гурухнинг вазифалари ҳисобланади:

ушбу Низомда белгиланган мезонлар асосида пахта-тўқимачилик кластерларидан, шунингдек, ваколатли давлат органлари ва муассасаларидан пахта-тўқимачилик кластерлари фаолияти тўғрисидаги маълумотларни олиш ва таҳлил қилиш;

заруратга кўра, жойига чиққан ҳолда пахта-тўқимачилик кластерлари фаолиятини, шу жумладан лойиҳаларнинг амалга оширилиши, инфратузилма

объектларининг яратилиши, ер ва сув ресурсларидан фойдаланиш ҳолати, фермер хўжаликларининг манфаатдорлигини таъминлаш даражаси ва бошқа масалаларни ўрганиш;

Комиссия томонидан тақдим этилган жадваллар асосида маълумотларни таҳлил қилиш ва умумлаштириш.

9. Ишчи гурух ҳар йили 5 декабрга қадар ўрганиш натижалари бўйича маълумотларни, шу жумладан Комиссия томонидан тақдим этилган жадваллар асосида таҳлилий маълумотлар ва уларни асословчи ҳужжатларни Комиссияга тақдим этади.

10. Куйидагилар Комиссиянинг вазифалари ҳисобланади:

ушбу қарорда белгиланган мезонлар асосида пахта-тўқимачилик кластерлари фаолиятини таҳлил қилиш ва баҳолаш;

пахта-тўқимачилик кластерлари фаолиятини баҳолаш натижалари бўйича уларнинг фаолиятини такомиллаштириш ёки уларнинг пахта хомашёсини этиштиришдаги иштирокини тўхтатиш бўйича тавсиялар ишлаб чиқиш;

худудларнинг тупроқ-иқлим шароити ва ривожлантириш истиқболларидан келиб чиқсан ҳолда пахта-тўқимачилик кластерларини ташкил этиш ва жойлаштириш бўйича таклифлар ишлаб чиқиш.

пахта-тўқимачилик кластерларига ўз фаолиятини самарали ташкил этишда ташкилий-хуқуқий масалаларда кўмаклашиш;

пахта-тўқимачилик кластерлари фаолияти самарадорлигини ошириш, уларга зарур шарт-шароитларни яратиш мақсадида норматив-хуқуқий ҳужжатлар лойиҳасини ишлаб чиқиш ва ваколатли органларга киритиш;

пахта-тўқимачилик ишлаб чиқаришига бозор механизмларини кенг жорий этиш юзасидан таклифлар ишлаб чиқиш ва кўриб чиқиш учун ваколатли давлат органларига киритиш.

11. Ўзбекистон Республикаси Қишлоқ хўжалиги вазирлигининг Қишлоқ хўжалигини давлат томонидан қўллаб-қувватлаш, молиявий ва шартномавий муносабатларни ривожлантириш бош бошқармаси Комиссиянинг ишчи органи (кейинги ўринларда – Ишчи орган) ҳисобланади.

12. Ишчи органи куйидагиларни амалга оширади:

Комиссия фаолиятини ташкилий-техник таъминлаш;

Комиссия аъзоларига кун тартибига киритилган масалалар, йиғилиш ўтказиладиган сана, вақт ва жой ҳақида хабар бериш;

Комиссия йиғилиши учун материаллар тайёрлаш ва тарқатиш, иш юритишини амалга ошириш ва ҳужжатларни саклаш;

вазирликлар ва идоралар, маҳаллий давлат ҳокимияти органлари, фуқароларнинг ўзини ўзи бошқариш органлари, жамоат бирлашмалари ва бошқа ташкилотлар билан биргаликда Комиссия қабул қилган қарорлар ижросининг назорати ва мониторингини ташкил қилиш, тегишли маълумотларни ва таклифларни Комиссия раисига тақдим этиш;

түшган хатларни кўриб чиқиш ва Комиссия ваколатига кирадиган масалалар бўйича қарорлар тайёрлаш.

Ишчи органи қонун хужжатларига мувофиқ бошқа функцияларни ҳам амалга ошириши мумкин.

13. Комиссия йиғилишининг материаллари Комиссия раисининг имзоси билан йиғилишгача камидаги 5 кун олдин ҳар бир Комиссия аъзосига етказиб берилади.

14. Вазирликлар ва идоралар, маҳаллий давлат ҳокимияти органлари, фуқароларнинг ўзини ўзи бошқариш органлари ва пахта-тўқимачилик кластерлари Комиссия ва Ишчи гурухнинг сўровига асосан тегишли маълумотлар ва хужжатларни беш кунда Комиссия ва Ишчи гурухга тақдим этади.

15. Ишчи гурух томонидан тақдим этилган таҳлилий маълумотлар ва хужжатлар Комиссия йиғилишида кўриб чиқилади.

Комиссия йиғилиши аъзоларининг учдан икки қисми иштирок этган тақдирда ваколатли ҳисобланади.

16. Комиссия томонидан ҳар йили 25 декабрга қадар пахта-тўқимачилик кластерлари фаолияти ушбу Низомга 2-иловага мувофиқ баллар асосида баҳоланади ва якуний хулоса чиқарилади.

17. Пахта-тўқимачилик кластерлари фаолияти бўйича баллар қуидагича ҳисобланади:

пахтани етиштиришдан бошлаб уни тайёр маҳсулот сифатида сотишгача бўлган ишлаб чиқаришнинг узлуксиз занжирини ташкил этиш даражаси – умумий баҳолаш кўрсаткичининг 50 фоизини;

фермер ресурсларидан самарали фойдаланиш, янги ва замонавий техника ва технологияларни қўллаш даражаси – умумий баҳолаш кўрсаткичининг 30 фоизини;

фермер хўжаликларининг манфаатдорлигини таъминланганлик даражаси – умумий баҳолаш кўрсаткичининг 10 фоизини;

пахта-тўқимачилик кластерлари фаолияти самарадорлиги билан боғлик бошқа масалалар – умумий баҳолаш кўрсаткичининг 10 фоизини ташкил этади.

Бунда фермер хўжаликларининг манфаатдорлигини таъминланганлик даражасига устуворлик берилади ҳамда Комиссия томонидан ушбу йўналиш доирасида 70 фоиздан кам кўрсаткичга эришган пахта-тўқимачилик кластерларининг пахта хомашёсини етиштиришдаги иштирокини тўхтатиш масаласи кўриб чиқилади.

18. Комиссия хулосасида пахта-тўқимачилик кластерларининг фаолиятини баҳолаш натижалари, шу жумладан уларнинг фаолиятини такомиллаштириш ёки пахта хомашёсини етиштиришдаги иштирокини тўхтатиш бўйича аниқ тавсиялар кўрсатилади.

Комиссия хulosаси йиғилиш баённомаси билан расмийлаштирилади.

19. Комиссия хulosасида пахта-тўқимачилик кластерининг пахта хомашёсини етиштиришдаги иштирокини тўхтатиш тавсия этилган тақдирда, ушбу ҳолатни асословчи ҳолатлар кўрсатилади ва тегишли ҳужжатлар баённомага илова қилинади.

20. Комиссия хulosаси ижросини таъминлаш учун Ишчи органи томонидан уч кун муддатда Қорақалпоғистон Республикаси Вазирлар Кенгаши ва вилоятлар ҳокимликларига, шунингдек, манфаатдор вазирликлар ва идораларга тақдим этилади.

21. Қорақалпоғистон Республикаси Вазирлар Кенгаши ва вилоятлар ҳокимликлари Комиссия хulosаси асосида пахта хомашёсини етиштиришдаги иштирокини тўхтатиш тавсия этилган пахта-тўқимачилик кластерини пахта хомашёсини етиштиришдаги иштирокини тўхтатиши, шунингдек, ушбу ҳудудларда пахта-тўқимачилик кластерини ташкил этиш учун янги ташаббускорларни аниқлаши лозим бўлади.

Бунда пахта-тўқимачилик кластерини ташкил этиш бўйича ташаббускорларга оид ҳужжатлар Комиссия томонидан кўриб чиқилади ва тегишли тавсиялар берилади.

4-боб. Якунловчи қоида

22. Ушбу Низомда тартибга солинмаган масалалар Комиссия томонидан амалдаги қонун ҳужжатларига зид бўлмаган тартибда кўриб чиқилади.

Пахта-тўқимачилик кластерлари фаолиятини
баҳолаш тартиби тўғрисидаги низомга
1-илова

**Пахта-тўқимачилик кластерлари фаолиятини баҳолаш
СХЕМАСИ**

Босқичлар	Субъектлар	Тадбирлар	Муддат
1-босқич	Қорақалпогистон Республикаси Вазирлар Кенгаси ва вилоятлар ҳокимликлари	Тасдиқланган намунавий таркибга мувофиқ худудий ишчи гурухларнинг таркибини тасдиқлайди	15 ноябрга қадар
2-босқич	Вазирликлар ва идоралар, маҳаллий давлат ҳокимияти органлари, фуқароларнинг ўзини ўзи бошқариш органлари ва пахта-тўқимачилик кластерлари	Худудий ишчи гурухнинг сўровига асосан тегишли маълумотлар ва хужжатларни худудий ишчи гурухга тақдим этади	5 кунда
3-босқич	Худудий ишчи гурухи	Пахта-тўқимачилик кластерлари фаолиятини ўрганиш натижалари бўйича таҳлилий маълумотлар ва уларни асословчи хужжатларни Комиссиянинг ишчи органига тақдим этади	5 декабрга қадар
4-босқич	Комиссиянинг ишчи органи	Худудий ишчи гурух томонидан тақдим этилган таҳлилий маълумотлар ва хужжатлар асосида Комиссия йиғилиши материалларини тайёрлайди ва Комиссия аъзоларига етказади	йиғилишгача камида 5 кун олдин
5-босқич	Комиссия	Пахта-тўқимачилик кластерлари фаолиятини баҳолайди ва якуний хулоса чиқаради	25 декабрга қадар
6-босқич	Комиссиянинг ишчи органи	Комиссия хулосасини Қорақалпогистон Республикаси Вазирлар Кенгаси ва вилоятлар ҳокимликларига, шунингдек, манфаатдор вазирликлар ва идораларга етказади	3 кун муддатда
7-босқич	Қорақалпогистон Республикаси Вазирлар Кенгаси ва вилоятлар ҳокимликлари	Комиссия хулосаси асосида пахта хомашёси етиштиришдаги иштирокини тўхтатиш тавсия этилган пахта-тўқимачилик кластерининг пахта хомашёси етиштиришдаги иштирокини тўхтатиш чораларини кўради, шунингдек, ушбу худудларда пахта-тўқимачилик кластерини ташкил этиш учун янги ташаббускорларни аниқлайди	белгиланган муддатларда
8-босқич	Комиссия	Пахта-тўқимачилик кластерини ташкил этиш бўйича янги ташаббускорларга оид хужжатларни кўриб чиқади ва тегишли тавсиялар беради.	икки ҳафта муддатда

Пахта-тўқимачилик кластерлари фаолиятини
баҳолаш тартиби тўғрисидаги низомга
2-илова

**Пахта-тўқимачилик кластерлари фаолиятини баҳолаш бўйича
РЕЙТИНГ БАЛЛАРИ**

T/p	Баҳолаш мезонлари	Рейтинг кўрсаткичлар	Рейтинг баллари	Маълумот тақдим этувчи субъект
I. Пахта хомашёсини етиштиришдан бошлаб уни тайёр маҳсулот сифатида сотишгача бўлган ишлаб чиқаришнинг узлуксиз занжирини ташкил этиш				
1	Пахта хомашёсини қабул қилиш, саклаш ва қайта ишлаш кувватларининг мавжудлиги	Фақат пахта хомашёсини қабул қилиш маскани мавжуд бўлганда	1 балл	Маҳаллий давлат ҳокимияти органлари, "Давергеодекадастр" давлат кўмитасининг ҳудудий бўлинмаси, пахта-тўқимачилик кластерлари
		Сотиб олиш шарти билан пахта хомашёсини қабул қилиш, саклаш ва қайта ишлаш кувватлари мавжуд бўлганда	2 балл	
		Пахта хомашёсини қабул қилиш, саклаш ва қайта ишлаш куввати янгидан барпо этилганда	4 балл	
2	Замонавий ишлаб чиқариш кувватлари жорий этилганлиги (<i>тайёр маҳсулотга нисбатан</i>)	1000 тоннадан 3000 тоннагача жорий этилганда	1 балл	Маҳаллий давлат ҳокимияти органлари, пахта-тўқимачилик кластерлари
		3001 тоннадан 5000 тоннагача жорий этилганда	3 балл	
		5001 тоннадан 10000 тоннагача жорий этилганда	5 балл	
3	Пахта хомашёсини қайта ишлашнинг узлуксиз занжири ташкил этилганлиги	Пахта хомашёсини тозалаш корхонаси, ип-йигирув фабрикаси мавжуд бўлганда	1 балл	Маҳаллий давлат ҳокимияти органлари, пахта-тўқимачилик кластерлари
		Пахта хомашёсини тозалаш корхонаси, ип-йигирув, матони тўқиши ва бўяш фабрикаси ҳамда ёғ-мой корхонаси мавжуд бўлганда	3 балл	
		Пахта хомашёсини тозалаш, ип-йигирув, матони тўқиши, бўяш ва тикиув фабрикаси, ёғ-мой корхонаси, агрологистика ва чорвачилик комплекслари мавжуд бўлганда	5 балл	
4	Ишлаб чиқариладиган маҳсулот	10 турдаги истеъмол товарлари мавжуд бўлганда	1 балл	Маҳаллий давлат ҳокимияти органлари,
		11-50 турдаги истеъмол товарлари мавжуд бўлганда	2 балл	

T/p	Баҳолаш мезонлари	Рейтинг кўрсаткичлар	Рейтинг баллари	Маълумот тақдим этувчи субъект
	турларининг мавжудлиги	51-100 турдаги истеъмол товарлари мавжуд бўлганда	4 балл	пахта-тўқимачилик кластерлари
5	Янги иш ўринлари яратилганиниг (меъёрга нисбатан фоиз)	20 фоиздан 40 фоизгacha яратилганда	1 балл	Бандлик ва меҳнат муносабатлари вазирлигининг худудий бўлинмаси, пахта-тўқимачилик кластерлари
		40 фоиздан 70 фоизгacha яратилганда	2 балл	
		70 фоиздан 100 фоизгacha яратилганда	4 балл	
6	Экспорт кўрсаткичининг юқорилиги	5 млн АҚШ долларигача	1 балл	Маҳаллий давлат ҳокимиияти органлари, пахта-тўқимачилик кластерлари
		5 млн АҚШ долларидан 10 млн АҚШ долларигача бўлганда	2 балл	
		11 млн АҚШ долларидан 25 млн АҚШ долларигача бўлганда	4 балл	
7	Маҳсулотларнинг сифатини назорат қилиш учун синон лабораториялари ташкил этилганлиги	Халқаро стандартлар талаблари асосида замонавий синон ускуналари билан модернизация килинганда	4 балл	Маҳаллий давлат ҳокимиияти органлари, пахта-тўқимачилик кластерлари
8	Сифат тизимларини жорий этилганлиги	ISO 9001 стандарти талабларига мувофиқ сифат менежмент тизимига расмийлаштирилган сертификати мавжуд бўлганда	1 балл	“Ўзстандарт” агентлигининг худудий бўлинмаси, пахта-тўқимачилик кластерлари
		ISO 14001 стандарти талабларига мувофиқ экологик менежмент тизимига расмийлаштирилган сертификат мавжуд бўлганда	2 балл	
		OEKO TEX 100 стандарти талабларига мувофиқ сертификат мавжудлиги	4 балл	
9	Маҳсулотлар сертификатлаштирилганлиги	Ишлаб чиқариладиган маҳсулотга мувофиқлик сертификати мавжуд бўлганда	4 балл	Ўзстандарт” агентлигининг худудий бўлинмаси, пахта-тўқимачилик кластерлари
10	Пахта-тўқимачилик кластерлари томонидан тўғридан-тўғри инвестицияларнинг ўзлаштирилиши	10 млн АҚШ долларигача ўзлаштирилганда	1 балл	Маҳаллий давлат ҳокимиияти органлари, пахта-тўқимачилик кластерлари
		11 млн АҚШ долларидан 50 млн АҚШ долларигача ўзлаштирилганда	2 балл	
		51 млн АҚШ доллари ва ундан юқори миқдорда ўзлаштирилганда	4 балл	

T/p	Баҳолаш мезонлари	Рейтинг кўрсаткичлар	Рейтинг баллари	Маълумот тақдим этувчи субъект
11	Келгуси йилда амалга оширилиши режалаштирилган инвестиция лойихаларининг қиймати	5 млн АҚШ долларидан 10 млн АҚШ долларигача қийматда бўлганда	1 балл	Маҳаллий давлат ҳокимияти органлари, пахта-тўқимачилик кластерлари
		11 млн АҚШ долларидан 50 млн АҚШ долларигача қийматда бўлганда	2 балл	
		51 млн АҚШ доллари ва ундан юқори қийматда бўлганда	4 балл	
12	Пахта-тўқимачилик кластери корхонаси томонидан янги чорвачилик комплекси ташкил этилганда	Шартли мол бош сони 300 бошдан 500 бошгача бўлганда	1 балл	“Ўзбекчорванасл” агентлигининг худудий бўлинмаси, тижорат банклари, пахта-тўқимачилик кластерлари
		Шартли мол бош сони 500 бошдан 1 000 бошгача бўлганда	2 балл	
		Шартли мол бош сони 1000 бошдан 2 000 бошгача бўлганда	3 балл	
		Шартли мол бош сони 2 000 бошдан юқори бўлганда	4 балл	

II. Ер ва сув ресурсларидан самарали фойдаланиш, янги ва замонавий техника ва технологияларни кўллаш

1	Кластер фаолияти даврида гўза қатор ораларига ишлов берувчи қишлоқ хўжалиги техникалари билан таъминланганлиги	30 фоиздан 40 фоизгacha таъминланганда	1 балл	Агросаноат мажмуи устидан назорат қилиш инспекциясининг худудий бўлинмаси, Қишлоқ хўжалиги вазирлигининг худудий бўлинмаси
		40 фоиздан 80 фоизгacha таъминланганда	2 балл	
		80 фоиздан 100 фоизгacha таъминланганда	3 балл	
2	Юқори унумли қишлоқ хўжалиги техникалари билан таъминланганлиги	30 фоиздан 40 фоизгacha таъминланганда	1 балл	Агросаноат мажмуи устидан назорат қилиш инспекциясининг худудий бўлинмаси, Қишлоқ хўжалиги вазирлигининг худудий бўлинмаси
		40 фоиздан 80 фоизгacha таъминланганда	2 балл	
		80 фоиздан 100 фоизгacha таъминланганда	3 балл	
3	Томчилатиб, ёмғирлатиб ва бошқа илғор сувни тежайдиган сугориш технологиялари жорий этилганлиги	1 фоиздан 5 фоизгacha жорий этилганда	1 балл	Худудий ирригация тизимлари ҳавза бошқармаси
		6 фоиздан 30 фоизгacha жорий этилганда	2 балл	

Т/р	Баҳолаш мезонлари	Рейтинг кўрсаткичлар	Рейтинг баллари	Маълумот тақдим этувчи субъект
	(умумий сугориладиган майдонига нисбатан)	31 фоиздан 50 фоизгача жорий этилганда	4 балл	
4	Экин ерлари лазерли текислагичлар билан текисланганлиги (жами ер майдонига нисбатан фоиз)	10 фоиздан 30 фоизгача текисланганда	1 балл	Давергеодезкадастр” давлат қўмитасининг худудий бўлинмаси
		31 фоиздан 50 фоизгача текисланганда	2 балл	
		51 фоиздан 100 фоизгача текисланганда	3 балл	
5	Қишлоқ хўжалигида фойдаланишдан чиқиб кетган сугориладиган ерлар қайта фойдаланишга киритилганлиги (умумий ерига нисбатан)	10 фоиздан 15 фоизгача фойдаланишга киритилганда	1 балл	Давергеодезкадастр” давлат қўмитасининг худудий бўлинмаси, Қишлоқ хўжалиги вазирлигининг худудий бўлинмаси
		16 фоиздан 30 фоизгача фойдаланишга киритилганда	2 балл	
		31 фоиздан 50 фоизгача фойдаланишга киритилганда	4 балл	
6	Ирригация мелиорация объектларининг ҳолати яхшиланганлиги ва	10 фоиздан 25 фоизгача яхшиланганда	1 балл	Худудий ирригация тизимлари ҳавза бошқармаси
		26 фоиздан 50 фоизгача яхшиланганда	2 балл	
		51 фоиздан 10 фоизгача яхшиланганда	3 балл	
7	Тупроқ унумдорлигини ошириш бўйича чоралар кўрилганлиги	1 балл бонитетгача оширилганда	2 балл	Давергеодезкадастр” давлат қўмитасининг худудий бўлинмаси
		1 балл бонитетдан юкори оширилганда	4 балл	
8	Ахборот-коммуникация технологиялари жорий этилганлиги	Ишлаб чиқариш жараёни тўлиқ қамраб олинган ва тижорат банклари билан интеграциялашган	1 балл	Ахборот технологиялари ва коммуникацияларни ривожлантириш вазирлигининг худудий бўлинмаси
		Ишлаб чиқариш ва транспорт жараёнлари тўлиқ қамраб олинган, тижорат банклари билан интеграциялашган	2 балл	
		Ишлаб чиқариш, транспорт, агротехнологик тадбирлар оп-line назорат қилинади ва тижорат банклари билан интеграциялашган	3 балл	

T/р	Баҳолаш мезонлари	Рейтинг кўрсаткичлар	Рейтинг баллари	Маълумот тақдим этувчи субъект
9	Илмий ишланмалар ишлаб чиқаришга татбиқ этилганлиги	Пахта хомашёси етиштиришга татбиқ этилганда	1 балл	Кишлоқ хўжалиги ва озиқ-овқат таъминоти илмий ишлаб чиқариш маркази, пахта-тўқимачилик кластерлари
		Пахта хомашёси етиштиришда ва уни қайта ишлашга татбиқ этилганда	2 балл	
		Хомашё етиштиришдан уни қайта ишлаш ва чуқур қайта ишлаш натижасида юқори кўшилган қийматли маҳсулот ишлаб чиқаришгacha татбиқ этилганда	3 балл	

III. Фермер хўжаликларининг манфаатдорлигини таъминланганлиги

1	Етказиб берилган пахта хомашёси учун фермер хўжаликлари билан якуний ҳисоб-китоблар ўз вақтида амалга оширилганлиги	Якуний ҳисоб-китоб 30 фоизгача амалга оширилганда	1 балл	Тижорат банклари, пахта-тўқимачилик кластерлари
Якуний ҳисоб-китоб 31 фоиздан 60 фоизгача амалга оширилганда	2 балл			
Якуний ҳисоб-китоб 61 фоиздан 100 фоизгача амалга оширилганда	3 балл			
2	Фермер хўжаликларига юқори кўшилган қийматга эга бўлган маҳсулот ҳисобидан кўшимча ҳақ тўлаганлиги	Соф фойданинг 5 фоизигача тўланганда	1 балл	Маҳаллий давлат ҳокимияти органлари, пахта-тўқимачилик кластерлари
		Соф фойданинг 5 фоизидан 10 фоизигача тўланганда	2 балл	
		Соф фойданинг 10 фоизидан ортиқ тўланганда	4 балл	
3	Шартномада белгиланган ҳажмлардан ортиқча пахта хомашёсини топширган фермер хўжалигига рағбатлантириш чоралари кўрилганлиги	Фермер хўжаликлари томонидан ортиқча топширилган пахта хомашёси учун белгиланган нархга кўшимча 15 фоиз устама тўлиқ тўланганда	1 балл	Ўзбекистон фермер, дехқон хўжаликлари ва томорқа ер эгалари кенгашининг худудий бўлинмаси, пахта-тўқимачилик кластерлари
		Ортиқча топширилган пахта хомашёсини чуқур қайта ишлашдан олинган ёғ, шрот ва шелуха маҳсулотлари фермер хўжаликларига тўлиқ етказиб берилганда	1 балл	
		Ортиқча топширилган пахта хомашёси учун белгиланган нархга кўшимча 15 фоиз устама тўлиқ тўланган ҳамда ушбу хомашёни чуқур қайта ишлашдан олинган ёғ, шрот ва шелуха маҳсулотлари фермер	3 балл	

T/p	Баҳолаш мезонлари	Рейтинг кўрсаткичлар	Рейтинг баллари	Маълумот тақдим этувчи субъект
		хўжаликларига тўлиқ етказиб берилганда		

IV. Пахта-тўқимачилик кластерлари фаолияти самарадорлиги билан боғлиқ бошқа масалалар

1	Пахта хомашёсини етишириш харажатларини молиялаштириш манбалари мавжудлиги	Имтиёзли ва тижорат кредитлари ҳисобидан	1 балл	Тижорат банклари, пахта-тўқимачилик кластерлари
		Тижорат кредити ва ўз маблаги ҳисобидан	2 балл	
		Ўз маблаги ҳисобидан	3 балл	
2	Суғурта тизимининг йўлга кўйилганлиги	Ҳосилнинг 10 фоизидан 30 фоизигача суғурта қилинганда	1 балл	“Ўзагросуғурта” АЖнинг худудий бўлинмаси, пахта-тўқимачилик кластерлари
		Ҳосилнинг 31 фоизидан 50 фоизигача суғурта қилинганда	2 балл	
		Ҳосилнинг 51 фоизидан 100 фоизигача суғурта қилинганда	3 балл	
3	Тижорат банкларидан олинган кредитларни қайтарилиши	Олинган кредитнинг 50 фоизигача бўлган қисми ўз вақтида қайтарилганда	1 балл	Тижорат банклари, пахта-тўқимачилик кластерлари
		Олинган кредитнинг 51 фоизидан 80 фоизигача бўлган қисми ўз вақтида қайтарилганда	2 балл	
		Олинган кредитнинг 81 фоизидан 100 фоизигача бўлган қисми ўз вақтида қайтарилганда	3 балл	
4	Солик, бошқа мажбурий тўловлар ва иш ҳақидан қарздорлик даражаси	Қарздорлик мавжуд бўлганда	0 балл	Давлат солик кўмитасининг худудий бўлинмаси, тижорат банклари, пахта-тўқимачилик кластерлари
		Қарздорлик мавжуд бўлмагандан	1 балл	

Вазирлар Маҳкамасининг
2020 йил “22” июн даги 397-сон қарорига
2-илова

**Пахта-тўқимачилик кластерлари фаолиятини баҳолаш
бўйича идоралараро комиссия
ТАРКИБИ**

- | | |
|---|--|
| 1. Ж. Ходжаев | Қишлоқ хўжалиги вазири, <i>идоралараро комиссия раиси</i> |
| 2. Б. Абдуназаров | Иқтисодий тараққиёт ва камбағалликни қисқартириш вазири ўринбосари, <i>идоралараро комиссия раиси ўринбосари</i> |
| 3. <i>Лавозими бўйича</i> | “Ўзбекистон пахта-тўқимачилик кластерлари” уюшмаси раиси, <i>идоралараро комиссия раиси ўринбосари</i> |
| 4. А. Эргашев | Молия вазирининг ўринбосари |
| 5. Ш. Вафаев | Инвестиция ва ташки савдо вазирининг ўринбосари |
| 6. Б. Рўзибоев | Сув хўжалиги вазирининг биринчи ўринбосари |
| 7. Ш. Ражаббоев | Инновацион ривожланиш вазирининг биринчи ўринбосари в.б. |
| 8. К. Юлдашев | Ахборот технологиялари ва коммуникацияларини ривожлантириш вазирининг биринчи ўринбосари |
| 9. М. Мирзаев | Давлат солик қўмитаси раисининг биринчи ўринбосари |
| 10. М. Рузметов | “Давергеодезкадастр” қўмитаси раисининг ўринбосари |
| 11. С. Холхўжаев | Марказий банк раисининг ўринбосари |
| 12. С. Бекенов | Давлат активларини бошқариш агентлиги директори |
| 13. У. Жавлиев | Вазирлар Маҳкамаси хузуридаги Агросаноат мажмуи устидан назорат қилиш инспекцияси бошлигининг ўринбосари |
| 14. У. Салимов | “Ўзагротехсаноатхолдинг” АЖ раисининг биринчи ўринбосари |
| 15. А. Хайтов | Ўзбекистон фермер, деҳқон хўжаликлари ва томорқа ер эгалари кенгаши раиси |
| 16. И. Хайдаров | “Ўзтўқимачиликсаноат” уюшмаси раиси |
| 17. <i>Келишув асосида</i> | Суғурта компаниялари |
| 18. О. Тошпўлатов | Қишлоқ хўжалиги вазирлиги бошкарма бошлиғи, <i>идоралараро комиссия котиби</i> |
| 19. Қорақалпоғистон Республикаси Вазирлар Кенгаши ва вилоятлар ҳокимларни | Қорақалпоғистон Республикаси Вазирлар Кенгаши Раиси ва вилоятлар ҳокимлари |

Вазирлар Маҳкамасининг
2020 йил “22” июнданги 397-сон қарорига
3-илова

**Пахта-тўқимачилик кластерлари фаолиятини баҳолаш
бўйича ҳудудий ишчи гуруҳнинг
НАМУНАВИЙ ТАРКИБИ**

1. *Лавозими бўйича* – Қорақалпогистон Республикаси Вазирлар Кенгаши Раисининг ёки вилоят ҳокимининг қишлоқ ва сув хўжалиги масалалари бўйича ўринбосари, *иши гуруҳ раҳбари*
2. *Лавозими бўйича* – Қишлоқ хўжалиги вазирлигининг ҳудудий бўлинмаси бошлиғи, *иши гуруҳ раҳбари ўринбосари*
3. *Лавозими бўйича* – “Ўзбекистон пахта-тўқимачилик кластерлари” уюшмасининг ҳудудий бўлинмаси бошлиғи, *иши гуруҳ раҳбари ўринбосари*
4. *Лавозими бўйича* – Иқтисодий тараққиёт ва камбағалликни қисқартириш вазирлигининг ҳудудий бўлинмаси бошлиғи
5. *Лавозими бўйича* – Молия вазирлигининг ҳудудий бўлинмаси бошлиғи
6. *Лавозими бўйича* – Инвестиция ва ташқи савдо вазирлигининг ҳудудий бўлинмаси бошлиғи
7. *Лавозими бўйича* – Сув хўжалиги вазирлигининг ҳудудий бўлинмаси бошлиғи
8. *Лавозими бўйича* – Ахборот технологиялари ва коммуникацияларини ривожлантириш вазирлигининг ҳудудий бўлинмаси бошлиғи
9. *Лавозими бўйича* – Давлат солиқ қўмитасининг ҳудудий бўлинмаси бошлиғи
10. *Лавозими бўйича* – “Давергеодезкадастр” қўмитасининг ҳудудий бўлинмаси бошлиғи
11. *Лавозими бўйича* – Марказий банкнинг ҳудудий бўлинмаси бошлиғи
13. *Лавозими бўйича* – Давлат активларини бошқариш агентлигининг ҳудудий бўлинмаси бошлиғи
14. *Лавозими бўйича* – Агросаноат мажмуи устидан назорат қилиш инспекциясининг ҳудудий бўлинмаси бошлиғи
15. *Лавозими бўйича* – Ўзбекистон фермер, дехқон хўжаликлари ва томорқа ер эгалари кенгашининг ҳудудий бўлинмаси бошлиғи
16. *Келишув асосида* – “Ўзтўқимачиликсаноат” уюшмаси вакили
17. *Лавозими бўйича* – Қишлоқ хўжалиги вазирлигининг ҳудудий бўлинмаси бўлими бошлиғи, *иши гуруҳ котиби*

Вазирлар Маҳкамасининг
2020 йил “22” июн даги 397 -сон қарорига
4-илова

**Инновацияларни, илм-фан ютуқлари ва янгиликларини
жорий этиш бўйича илмий марказларни ташкил этадиган
пахта-тўқимачилик кластерлари
РЎЙХАТИ***


T/p	Пахта-тўқимачилик кластерлари номи	Пахта-тўқимачилик кластери жойлашган туман номи
Қорақалпоғистон Республикаси		
1	“Bo’ston cluster” МЧЖ	Элликқалъя
Андижон вилояти		
1	“Khantex group” МЧЖ	Кўргонтепа
2	“Saxovat teks” МЧЖ	Шаҳрихон
Бухоро вилояти		
1	“Buxoro cotton textile cluster” МЧЖ	Ромитан
2	“Mergan teks” МЧЖ	Қоракўл
Жиззах вилояти		
1	“Jizzax Industrial To’qima” МЧЖ	Ш.Рашидов
Қашқадарё вилояти		
1	“Koson baxt tekstil” МЧЖ	Косон
2	“Oq saroy klaster” МЧЖ	Шаҳрисабз
Навоий вилояти		
1	“Navbahor tekstil” МЧЖ	Навбаҳор
Наманган вилояти		
1	“Art soft holding” МЧЖ	Мингбулоқ
2	“Textile finance Namangan” МЧЖ	Учқўрғон
Самарқанд вилояти		
1	“Maroqand sifat” МЧЖ	Нарпай
2	“Maroqand sifat tekstil” МЧЖ	Иштихон
Сурхондарё вилояти		
1	“Angor surxon g’ururi” МЧЖ	Ангор

T/p	Пахта-тұқымачилик кластерлари номи	Пахта-тұқымачилик кластери жойлашган туман номи
Сирдарё вилояти		
1	“Poly tex Sirdarya” МЧЖ	Сайхунобод
Тошкент вилояти		
1	“Tashkent cotton textile cluster” МЧЖ	Қуи Чирчик
2	“APK Chinoz” МЧЖ	Чиноз
Фарғона вилояти		
1	“Real-Trans-Logistic” УК	Учкүпrik
2	“Экспо коллор прин текс” МЧЖ	Тошлоқ
Хоразм вилояти		
1	“Xorazm tex” МЧЖ	Хонқа
2	“Textile finance Khorazm” МЧЖ ҚҚ	Шовот
21	Жами	

***Изоҳ.** Илмий марказлар ташкил этадиган пахта-тұқымачилик кластерлари рүйхатига Қишлоқ хұжалиги вазирлиги ҳамда “Үзтұқымачиликсаноат” уюшмаси билан келишилгандықтан қолда құшимча ва ўзгартиришлар киритилиши мүмкін.

Вазирлар Маҳкамасининг
2020 йил “22” июндаги 397-сон қарорига
5-илова

**Инновацияларни, илм-фан ютуқлари ва янгиликларини жорий этиш
бўйича илмий марказларнинг намунавий тузилмаси**



***Изоҳ.** Илмий техник кенгаш маркибига пахта-тўқимачилик кластерлари фаолиятини тақомиллаштириши, мавжуд муаммоларни илмий асосда ҳал этиши мақсадида ушибу қарорга 2-илова билан тасдиқланган олий таълим муассасалари ва илмий-тадқиқот ташкилотларининг етакчи илмий-педагог ходимлари ҳамда ишлаб чиқарши соҳасидаги тажсрибали мутахассислар қўшимча тарзда жсалб этилиши мумкин.

